

«Minch'oliva ha seis agen gust»

Claudia Knapp cultiva sün costas terrassadas d'üna grondezza da 1,5 hektaras sias olivas da Taggiasca

Al cumanzamaint d'eira qua il giavüsch per ün bös-ch d'olivas.
Hoz posseda Claudia Knapp da Scuol ün bain d'olivas illa Liguria. L'experta e degustadra d'öli d'olivas ha drivi d'incuort ün «PopUp Store» a Scuol.

ANR: Claudia Knapp, co es Ella gnüda a seis temp a l'idea da's dedichar a la cultivaziun d'olivas?

Claudia Knapp: L'oliver, il bös-ch sves-sa, m'ha adüna fingiä fascinà. Quai es ün bös-ch cun uschë üna cultura profonda e l'istorgia da quista planta es fîch veglia e richa. Fingiä pro'l grecs gnuva nommà quist bös-ch e natûral-maing eir illa bibla. Id es üna planta chi'd es chargiada cun blera cultura. Dimena ün bös-ch chi viva quasi in l'etern e chi'd es ün mitus. Natûral-maing n'haja eir gugent la cuschina mediterranea e quai es güsta üna buna cumbinaziun. Ed uschë n'haja pensâ chi füss bain flot d'avair svessa ün bös-ch d'olivas ed uossa n'haja dimena ün pér daplü.

Ella posseda illa Liguria ün agen bain da bös-chs d'olivas. Perche güsta la Liguria e co as chatta ün simil stabilimaint cul terrain bsögnaiwel?

Il prüm am n'haja dumondada che sort d'olivas ch'eu n'ha gugent e quai es la Taggiasca chi crescha illa Liguria. Ma eu n'ha eir gugent quellas chi creschan illa Sicilia. Ün oter criteri d'eira eir chi nu das-chaiva esser massa dalönc hant, usche chi'd es pussibel da viagiar cun l'auto tanter la plantascha e l'Engiadina. La Liguria ha ün clima fîch stupend. Eu m'ha lura missa in viadi per ir a tscherchar il lô adattà per meis intent e til n'haja chattà a Dolceacqua illas stipüras da las collinas terrassada cun mürs da crap süt. In quist lô esa difficil da ri-var pro cun maschinias e cun quai es da far blera lavur a man. Pel mumaint



Claudia Knapp es experta e degustadra d'öli d'oliva. Ils ölis d'olivas da sia producziun sun prontas per degustar.



fotografia: Annatina Filli

viag'eu adüna darcheu tanter Scuol cun sias auas fortas ed il lô da l'aua dutscha.

Che es il particular vi dal prodot olivas? Daja eir oters prodots co be il cuntschaint öli?

Il muond da las olivas e da l'öli es fîch vast e plain da differents gusts. Minch'oliva dà, scha la producziun vain fatta bain, ün oter gust d'öli. Sch'eu baiv üna Tonda Iblea, üna varianta da la Sicilia, schi n'haja ün gust da tomatas e maila in bocca. Sch'eu pigl quella da la Liguria schi gusta tuot dad erba tagliada frais-cha cun ün retrogust da mandlas. Mincha sort d'olivas dà ün-oter öli cun seis agen gust. In tuot l'Italia daja bundant 600 differentas variantas d'olivas. Ils vegls grecs dovraian l'öli per far glüm e vairamaing ha-

manà il bös-ch d'olivas la glüm sün ter-a. Ils atlets grecs da l'Olimp pigliaivan quist'öli per strichar aint lur corps. Cur cha Odisseus es tuornà in Grecia til ha-na spüert sco prüm öli d'olivas per ch'el possa as lavar. Quist'öli es fîch bun per la pel e perquai n'haja eir üna paschiun per savuns chi sun fats cun quist prodot.

La producziun d'ün bun öli d'olivas es fîch sensibla e douvra bler'experiienza e savair. Che esa da resguardar per survgnir ün bun öli d'olivas?

Üna buna producziun cumainza fingiä cul dret mumaint da cleger las olivas e quai es cur cha las olivas sun amo ver-das e cumainzan a survgnir culur. Quai es eir güsta quel mumaint cha'l früt posseda la plü blera forza, tuot seis aro-

mas e sia singularità. L'oliva sto eir gnir cletta fîch precautamaing. Sch'ella crouda per terra cumainz'la subit a fermentar e lura nun esa plü pussibel da far amo ün öli da buna qualitâ. Davo la racolta ston las olivas rivar plü svelt pussibel i'l muglin. Tal sto esser ün fîch bun e da tecnologia moderna. Plüna-vant nu das-chan ils frûts pro quist pass d'elavuraziun gnir in contact cun oxigen. Per finir vain l'öli impli in butiglias verdas s-chûras per proteger il prodot da la cleritâ. Is sto savair cha l'oliva es ün frût fîch sensibl.

D'incuort ha ella drivi a Scuol üna pitschna butia cun divers prodots d'olivas ed ella nomna quai ün «Pop Up Store». Che es il particular da quista nouva idea?

Ma uschë üna butia ha il mumaint cha la fa il «pop up» per far davò cuort temp il «pop down», dimena üna butia dûranc ün temp limitâ. Davo pacas eiv-nas es la butia darcheu davent. Esser es quai ün nouv möd per far adöver da locals vöds e per far ün StartUp. Eu cu-mainz quists dis eir güsta cun mia pagina d'internet donnaclaudia.ch cun integrâ üna butia d'online. Cun quist möd da butia possa güsta preschantar e laschar degustar meis prodots. Dasper meis agens n'haja eir fat üna selecziun da prodots d'ota qualitâ da la Sicilia e da la Puglia. Ils dis da Festa sun üna buna occasiun per preschantar meis prodots eir ad üna vasta clientella. Per mai d'eira important d'avair üna selecziun na massa gronda e da pudair preschantar prodots main cuntschaints. (anr/afi)

«Sun persvasa da la forza da la litteratura»

Flurina Badel ed ulteriuors iniziants han inaugurarà la cabina da cudeschs a Guarda

D'incuort es gnüda inaugurada a Guarda üna cabina da cudeschs. L'idea dals iniziants es da spordscher sper ün lô d'inscunter eir ün lô ingio cha minchün das-cha manar, brattar o tour cun sai ün cudesch.

Daspö passa desch ons es la cabina da telefon immez il cumün da Guarda vöda. Dürant l'ultimi temp es ella gnüda fabrichada intuorn in üna biblioteca. L'eivna passada han passa 60 persunas inaugurarà quista pitschna biblioteca. Preschaints d'eiran sper l'autura Simone Lappert eir diversas otras scripturas e scriptuors indigens. Lappert ha prelet dûranc la festa our da seis cudeschs «Wurfschatten».

Nouva funcziun per üna cabina vöda
 «Mincha vouta ch'eu passaiva tras cu-mün e speravia a quista cabina da telefôn vöda vaiv'eu l'impreschun chi füss da far alch cun quist oget», disch Flurina Badel, inizianta dal proget cabina da cudeschs. Insembe cun seis marus ed amias ed amis chi aman la litteratura han els fat our d'üna veglia cabina da telefon üna pitschna biblioteca culla grondezza d'ün meter quadrat. «Nus vain fabrichà curunas da lain pels cudeschs», decler'la. La cabina sco tala vain missa a disposiziun da l'Hotel


Meisser a Guarda. Ils iniziants han du-mandà in ün ulteriur pass a diversas auturas ed autoors per cudeschs per lur biblioteca publica. «Blers dad els s'han declarats pronts da metter a disposiziun lur cudeschs per nos proget», quinta Badel. Ella manzuna chi saja important da pudair spordscher üna gronda variazion da litteratura per ün e minchün. «Qua-cha nos cumün nun ha üna biblioteca sper'eu cha cun quist proget pudaina svagliar l'interess da leger pro tuot ils abitants, pro grond e pitschen, da Guarda.»

Forza magica da cabinas da telefon
 L'idea da la nouva spüerta a Guarda es cha tant indigens sco eir giasts das-chan manar, brattar o simplamaing be tour cun sai ün cudesch our da la cabina da cudeschs. Usch'ha eir Simone Lappert miss seis cudesch «Wurfschatten» illa cabina. Ella es statta la prüma autura chi ha das-chü preschantar si'ouva pro la nouva spüerta litterara immez cu-mün. Lappert es nada ad Aarau ed abita hoz a Basilea. Ella ha stübgia il scriver litterar a l'Institut Svizzer da litteratura a Bienna ed ha survgnui tanter oter da l'on 2013 il premi da lirica «Heinz-Weder». «Wurfschatten» es seis prüm roman, vi da qual ella ha lavurà bundant ses ons. «Noss'intent es da spordscher adüna darcheu arrandschamaints e preleciunis d'auturas e d'autoors», disch Flurina Badel. Tenor ella han cabinas da telefon, eir schi sun implidas cun cudeschs, üna forza magica tant pro'l crescöhüs-

sco eir pro'l s'uffants. «Tgnair ün cudesch in man es tuot ün oter sentimaint co schi's tegna ün cudesch electronic in man», es l'avis da Flurina Badel.

Però amo plü important esa per ella chi gnia insomma let cudeschs. «Eu n'ha fingiä gnü fîch bels inscunters e bleras discussiuns in vicinanza da la cabina da cudeschs. Tanter oter cun persunas chi m'han quintà chi nun hajan daspö ons na plü let ün cudesch.» Ella es eir cunctainta culla grondezza da la cabina e cha tala spordscha lô avuonda per üna curuna cun cudeschs. «Üna persuna ha fich bain lô illa cabina ed is po star tuot pacific in pè e sfögliar i'l cudesch.» Impli han ils iniziants la cabina cun criminis, romans, biografias, cudeschs davart l'alpinissen, da cuschinar e bler oter plü. Badel es persvasa da la forza da la litteratura: «Quella ans dà la possibiltâ da visitar svelt oters pajais, da tour ün'invista in otras vitas o eir be da passantar mumaints in ün oter mu-

ond», declera ella.
 Plünavant esa per ella important da pudair partit alch culs oters e cha qui tocca davo a tuots. «Eu sper chi nu gnia fat abüs da nossa spüerta immez cu-mün e chi nu detta cas da vandalismus cun nossa cabina da cudeschs.» Ella manzuna cha minchün das-cha eir scriver sias racumandaziuns personalas i'l singuls cudesch. «Eu sper cha cun nossa cabina da cudeschs pudaina dar ün impuls ad alch nouv in nos cumün», con-clüda Flurina Badel. (anr/afi)



La cabina da cudeschs a Guarda es üna spüerta particolarra.

fotografia: Flurina Badel